



21415

III

kat. komp.

Mag. St. Dr.

P

Valerianus.


Subscriptor Cracoviensis

*Banassenus Adam Casim. Argus centoculus
a Deo ad custodiam salutis humanæ s. Michael
Archangelus deputatus.*

PANEG. et VITAE

Polon. Fol.

Nº 791.



1
S
I
S
I
I

ARGUS
CENTOCVLVS,
à DEO

ad Custodiam salutis humanæ,
S. MICHAEL ARCHANGEL:

DEPUTATUS,

Illustri, Magnifico ac Generoso Domino,

D. MICHAELI
VALERIANO

DE RACIBORSKO

MORSTYN,

SVBDAPIFERO CRACOVIENSI,

DEPUTATO TRIBUNALITII JUDICII

REGNI POLONIÆ, &c.

Domino, Dño & Benefactori suo,
pro annua Solennitate S. huius, Patroni eius,

In vim gratulatorij applausus & debita obseruantia,

A

M. ADAMO CASIMIRO BANASZEWIC,

In Alma Uniuersitate Cracouiensi,

Philosophiæ Doctore & Professore,

DEDICATVS.

*Anno quo Centimano Aeternus Centoculus eripuit salutem
humanam 1686. 29. Septembris.*

CRACOVIÆ, TYPIS VNIVERSITATIS.

In Stemma Illustrissimæ Domûs
MORSTINIANÆ.



Splendida nocturnas dispellit LVNA tenebras,
Æthereo radians sydus in axe nitet.
Omnia cælorum radiant Tibi lumina præstò,
Concessitq; Tibi quidquid Olympus habet.
Cynthia det claras Tibi fausto lumine noctes,
Longanumq; Tibi Sydus in Orbe micet.

STANISLAVS de Raciborsko MORSTYN,
Subdapiferida Cracouiensis, Eloquentiæ
in Alma Vniuers. Crac: Auditor.
Filius obsequentissimus.



21.415



ARGVS CENTOCVLVS.

Etia fabulosa veritas nō sine suo encomiasta:

quia etiam nubes,
*quod tanti luminis fontem, aliquando solem intra se latitare faciat,
 non absq̃ encomio est;*

Ita sane:

Sub cortina & velamine Pòético res magnæ latent,
 Tenebræ vatum, ingentem lucem tegunt.
 eò laudabilius, quò ingeniosius.

Enthusiasmus Pòëtarum ænigmata rerū illustriū dictat
 quæ si spreueris res, quas in se portant, postpones.

*At vas æstimamus magni, si plenū auro etiāsi ipsum non sit pretiosū;
 nucleum non magis miramur nucis quàm corticem
 quòd in eodem maturuerit ad gustum.*

nam

nudus cessisset nunquam vsibus ex arbore;
 si homo est laudandus etiam sphingis ænigma.

Cedant centum ora & linguæ, centum Argi oculis:
 nam etiam hic

In fabula oraculum, in concha gemmam portat.
 ænigma hoc est apud me hodie,

S. MICHAELIS ARCHANGELI,

Certe si oraculorum medullam de eo posceres, nil tam emedullatum
 nil magis ad nucleum, quàm Pòëticum hoc

Centoculus est Argus;

hoc diuersus a commentitio,
 quod hic in fabula, ille in re ipsa,

Fabuloso ergo, si quæ offeruntur panegyres

vel ideò,
vt vectigales, honori & nomini S. Michaelis veniant in coronas;
eò promptius, quò verius centum est oculorum,

Hic Archangelus,

cum hac exceptione

vt fabulosus de veri nostri Argi laudibus participet nihil:
quia etiam

numismata quæ in pōdere non æquant nec in pretio debēt esse eodē,

Tua vmbra est hic fabulosus.

S. MICHAEL ARCHANGELE,

Veneror ergò pōeticum hoc inuentum, sed vel ex eò maximè,
quòd pro Te Sancto inuentum fuerit:

quia etiam

Viux imagini fides, pictæ sæpè fictæ opinio humana debetur.

Præfecerat hunc Dea illa fabulosa, custodem Iōis,

nunquam in spe antiquitatis sopiendum,

cui tamen blanda Mercurij lyra intonuit somnum,

luminaq; eius & Vigilia lunonia aui cessere.

Deus Omnipotens,

Te fecit custodem animarum nostrarum præstantioris,

inter tot blandos flatus, portionis;

(cula,

In oculis Tuis hucusq; salus nostra, in custodia valetudo, procul peri-

Certè quidem

Draco etiam iniquus, huius aurei pomi animæ nostræ custos,

Sed Tu illi Hercules es,

S. MICHAEL,

triumphans in prælio, & Angeli Tui Victores,

Tu fortior & vigilantior,

nec oculos Tuos, speramus aliquando decipi ita;

vt non excubes, vigilesq; pro nobis,

& in die iudicij fide credimus Te classicum tubâ daturum.

Tubalem ergo pro Te etiam vocem intonare deberē,

& centum linguis pro Tuis centum oculis loqui

fi mem-

si membra vertantur in linguas;
 quæ est impossibilis Metamorphosis;
 unica hæc etiã conscia suæ culpæ in Tuis conticescit laudibus lingua.

Vocalis tamen Tibi
 ILLUSTRIS, MAGNIFICE ac GENEROSE DOMINE

MICHAEL VALERIANE

DE RACIBORSKO

MORSTYN,

SUBDAPIFER CRACOVIENSIS,
 DEPUTATE TRIBUNALITII IUDICII REGNI &c.

In eius Festo uti Patronum gratulari non finit,
 nec cui iustius quam Tibi quæ nomine es Michael oculis Argus.
 In Luna Tua quot radij, tot oculi à longè prospicientes

Ecclesiæ, Patriæ, Reipublicæ

vsibus.

*In qua etiam si aliquando nube Mauortia obducti, contra Othomayos
 inter cruenta praelia occubuerunt radij.*

Quid?

si tota Luna Vestra splendeat fulgeatq;

non est admirationi vna arbor sublimis, quod evertatur
 si eiusdem altitudinis tota sylua est.

Igitur propter velatos nube aliquot radios

Sol non est inter Planetas Princeps?

non in adoratione?

Ita fatetur cæcus:

*Quia non videt, quod etiam in defectu aliquot radiorum,
 est mundi oculus lucidissimus Sol & inter
 caelestia lumina Princeps;*

Ita Vestra Luna etiam in defectu aliquot radiorum

Luna est clara splendore digna honore.

In lucidissimo radio suo

B 2

ILLU-

ILLUSTRI, MAGNIFICO, ac GENEROSO DOMINO
VLADISLAO
DE RACIBORSKO

MORSTYN,
CAPITANEO KOVALIENSI,

fulgentissima hæc prominet;
imò verò quæ Vestræ Virtuti & Meritis cessit media
Nunc in plenilunio apparet, verè non decrescens
Prominens & micans inter tot tantaq;

Illustrissima Familiarum insignia.

ASCIAE TARLOVIANÆ,

non absq; eius luce micant splendentq;
quarum nulla rubigo vnquam futura.

Influxerunt huius Lunæ radij & in ipsum,
LEONEM LACKORONSCUM,
vere ignes Tauricana recta consumentes spirantem ita;
vt terribile hoc animal Lunæ Othomanicæ,
ad LUNÆ MORSTYNIANÆ radios mitescat,
eius influentijs calefactum.

Ita hæc Luna Illustrissimis nonnisi Serena affulget,
nec radios suos ad ima deflectit

Agit quidem sat copioso influxu in hæc inferiora pauperum,
sed non se communicando, prouidendo inopiam.

vnde videre licet

*Quoties hic radius Cracouia oritur, toties quam magna
ruunt turba ad influentias misericordie!*

Et quisq; explet sitim.

Sed plura dicam,

non vanâ aliquâ micat luce in hoc radio Luna Vestra,
sed agit copiosè influitq; benignissimè
iustis meritis, magnis sumptibus,
in Regni necessitates,

vnde ipse in toga Confus oracula dictans, & ne non illustrior

sago

sago appareat pro suo nomine tot prouidit cohortes,
vtq; testetur quantò largiùs Patriæ affectum
diffudit tanquam à se deriuiatum radium

MAGNIFICUM, ac GENEROSUM DOMINUM

IACOBVM Filium dilectum sibi

SUB

SERENISSIMO, INVICTISSIMI

IOANNIS III.

POLONIARVM REGIS.

Scuto lucere

contra Lunam Othomanicam,

non respiciendo quod in illa æmulatione lucis ad Strygonum
defecerit ille radius vtinam nunquam extinguendus

Maior natu Filius eius

MAGNIFICUS ac GENEROSUS DOMINUS

MICHAEL,

cui cùm indolet lachrymis, gaudet eum perijsse

pro Cruce CHRISTI, pro Fide,

amans Filij amantior Patriæ Pater,

Verus Xenophon.

Fulget hæc & splendidissimè coruscat

IN

ILLUSTRI, MAGNIFICO, ac GENEROSO DOMINO

STANISLAO MORSTYN,

VEXILIFERO ZATORIENSI,

semperq; ad Serenissima Regum Solia

nullis intertexta tenebris micat.

Vir hic vt probatissimus ita & meritissimus,

triumphalibus laureis ex tot Patriæ hostibus

toties in summa gloria coronatus,

C

Ast

Ast in Te ipso
ILLUSTRIS, MAGNIFICE ac GENEROSE DOMINE
MICHAEL VALERIANE
DE RACIBORSKO
MORSTYN,
SUBDAPIFER CRACOVIENSIS,
DEPUTATE TRIBUNALIS REGNI
non decrescit,
& Tu es lux Orbis Poloni & in Te hic splendor micat

&
Tu centum radijs influis in hanc sublunarem
Orbis Lechici plagam

*Centum prouides oculis quibus plenum caput Tuum;
unde adhuc inter ipsos luente fluctus centoculus fuisti,
quando nil nisi pro dignitate statûs Tui & pro
commodo Reipublicæ egisti.*

Hinc

ne tantum oculis tuæ prudentiæ prouideres Reipubl:
sed & centum linguis loquereris
pro eius commodo,

vario idiomatum generi inuentam Tuam applicuisti.
sed tamen diu non moratus sub Vexillo Doctæ Palladis
ad Bellonæ Vexillum contulisti Te,
capax militaris excipiendæ disciplinæ,
ipse non minus breui aptissimus informare.

Præfectus Militum

Serenissimarum Reginarum Potentissimorū

R E G U M

CASIMIRI, & MICHAELIS,

consortium breui factus es

utriq; placuisti Regi in Tuo Regimine.

Displicuit Alexandro Magno suus miles Alexander;
Tuum suaue nomen & gratum fuit

Maiestas

Majestati vtriusq; Regis, potissimum tamen
MICHAELI MICHAEL dilectus,

non strinxit Te mutare Nomen:

quia facta & mores egregij commendabant illud.

sed cum Sago inclytus eminuisti,

etiam Togæ Te obtulisti feliciter.

Vel ideò

quod non soli Bellonæ Te deberes,

nec magis Te Reipub: armis, quàm consilio prodesse, judicâsti;

nimirum post impensam maximam vitæ Marti partem,

ad pacis decora Te contulisti,

Hic

post Epaminondam Lycurgus, post Achillem Confus,

vbiq; Te si in Sago, etiam in Toga summâ prudentiâ,

Magnitudine animi probasti.

æstimatione ergò Tui apud omnes eligi meruisti,

ex Palatinatu Sendomiriensi,

ad Tribunalitia Regni Judicia **JUDEX DEPUTATUS.**

Fortis & inuictus in acie Martis, integer & prudens in Areopago

stetisti usq; ad inuidiam aliorum

(justitiæ,

Palatinatum, Ducatum, Terrarum,

verè Vigil, verè Centoculus;

etiam nunc

ex Palatinatu Cracouiensi delegatus,

acceptasti functionem, verè non ut emineas, sed pro sis

totus non sibi, sed vsibus Regni,

Vir justus & prudens;

Inter quæ negotia publica, etiam priuatis Tuis non dees curâ;

Vnde

MAGNIFICI ac GENEROSI DOMINI,

Filii Tui STANISLAI,

bonæ educationi consulendo,

C 2

tot vi-

*tot vicibus me eius Præceptorem sollicitasti & sollicitas;
ut radius hic aquæ adimpleat LVNÆ VESTRÆ Splendorem,
ad commodum Ecclesiæ, utilitatem Patriæ, incrementum Familiæ,*

TIBI IPSI SOLATIVM:

ita etiam spera, Votis Tuis satisfiet.

Quis diceret

Fortes fortibus, bonos bonis non creari?

Aquila non generant simplicem columbam.

Interea accipe hunc Centoculum ARGVM, qui etiam
Centoculus es, grato animo MICHAEL MICHAELEM excipe,

Sanctum Patronum Tuum.

Novi ego, quod centum in hoc die Festo eloquentio-
res NOMINI TVO gratulantes hominum linguas habeas,

sed & mea hæc inculta placeat Tibi;

si Te rudi paratu digna non est,

*saltem beneficiorum Tuorum memorem esse iube & admitte,
etiam hæc mea cum votorum congerie*

Te sequitur.

Custodiat Te in viis Tuis hic Cælestis ARGVS;

Vigilet pro TUO NOMINE hic Centoculus,

ut nunquam in media honoris aut felicitatis luce tenebras experiaris,

ut in quacunq; ingruente fortune nubila & nocte,

LVNA Tua serena semper fulgeat,

Nestora Te cupio ut diu profis,

Ecclesiæ, Patriæ, Familiæ Tuæ,

meq; Tuæ fronti benignissimæ ac oculis subiice,

Ipseq; fias Diuinis gratus oculis,

qui animorum oculus es,

& oculatissimus bonarum mentium

Argus.



m.
ilia

ipe,

tio-

3q

u,

aris

Biblioteka Jagiellońska
std:0025625

